

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԵՐԿՐԱՅԻՆՈՎ ԵՐԿՆԱՅԻՆԻՆ ՏԻՐԱՆԱՆՔ

Աստուած ինքն է աղքատացնողն ու հարստացնողը (Ա.Թգ. 2.7): Աստուծմէ իր առածը ինքնիր անձին համար պահողը՝ ուրիշին իրաւունքն է, որ յափշտակած կ'ըլլայ: Ան, որ իրեն տրուած նիւթական հարստութիւնը կ'օգտագործէ Աստուծոյ փառքին համար՝ արժանի պիտի դառնայ վայելելու երկինքի բազմապիսի գանձերը: Երկրաւոր հարստութեան բաշխումով՝ ժառանգած կ'ըլլանք երկնաւոր հարստութիւնը: Երկինքի գանձը՝ Քրիստոս, իր արքայութեան դուռը լայնօրէն պիտի բանայ մեր առջեւ, եթէ երբեք երկրի վրայ մեր ունեցած գանձերէն բաժին հանենք աղքատին: Երկինքի տէրը կը դառնանք՝ երբ երկիրը չէ մեր տէրը: Կը դառնանք զաւակ Աստուծոյ եւ ընկեր հրեշտակներու երբ կը կարեկցինք աղքատին:

Ա.Դ.ԹԻԷ

Տէ՛ր, մեղքերուս համար սզացող եւ արտաստող դարձո՛ւր զիս, որովհետեւ ծանրաբեռնուած եմ անօրէնութեամբ եւ յազեցած՝ անտեղի խորհուրդով: Շատ ներեցիր ինձի, որովհետեւ չպատժեցիր մարմինի մէջ: Սարսելով կը դողամ, թէ [արդեօք] ինձի համար [աններելի] պիտի չմնա՞ն այսպիսի չարիքները: Կ'աղաչեմ բարերար Տէր զիս ատեան մի՛ կանչեր եւ մի՛ մատներ զիս տանջանքներու, այլ փրկե՛ գեհեճի հուրէն ու ազատե՛ վտանգներէն, ողորմե՛ եւ ազատե՛ զիս, որովհետեւ միայն Դո՛ւն մարդասէր ես: Ե. Ասորի

ԵԹԷ ԿԱՍ ԵՐԲ Կ'ՈՒՉԵՍ...

ԵՐԲ Կ'ՈՒՉԵՍ ԳԻՏՆԱԼ, ԹԵ ԱՍՏՈՒԱԾ ԻՆՉՊԵՍ ԿԸ ՊԱՇՏՊԱՆԵ ԱՐԴԱՐԸ, ԿԱՐԴԱ՝ Սաղմոս 17

Ո՛վ Տէ՛ր, լսե՛ արդար բողոքս, մտի՛կ ըրէ աղաղակս, ականջ տուր աղօթքիս, որ նենգաւոր շրթներէ չի գար: Դատավիճու դո՛ւն տուր, տե՛ս իմ ուղիղ ըլլալս: Դատավիճու դո՛ւն տուր: Գիշեր ատեն եկար եւ փորձեցիր սիրտս, կրակով քննեցիր եւ չարութիւն չգտար մէջս, ո՛չ ալ բերնիս մէջ անիրաւութիւն: Տեսայ մարդոց գործերը, բայց բու խօսքիդ հետեւելով՝ հեռու մնացի արիւնահեղ մարդոց ապրելակերպէն: Քայլերս բու շաւիղներուդ մէջ պահէ, որպէսզի ընթացքս չշեղի: Ես քեզ կը կանչեմ, որովհետեւ գիտեմ, թէ պատասխան պիտի տաս, ո՛վ Աստուած, ականջդ ինձի խոնարհեցուր, լսե՛ խօսքերս: սփռեցի կերպով ցոյց տուր բու սէրդ, դուն՝ որ քեզի ապաւինողները բու աջովդ կը փրկես իրենց հակառակորդներէն: Աչքի բիբի պէս պահէ զիս պահպանէ ամբարիշտներէն, որոնք կեանքիս կը սպառնան մահացու թշնամիներէս, որոնք պաշարած են զիս: Իրենց հարստութեան վստահած, եւ գութը մոռցած՝ ամբարտաւանութեամբ կը բանան իրենց բերանը: Ահա կը հետապնդեն զիս, եւ զիս պաշարած՝ ակնդէտ կը հետեւին ինձի, զիս գետին տապալելու համար առիւծի մը պէս՝ որ կ'ուզէ բզկտել, կորիւնի մը պէս՝ որ դարան մտած կը սպասէ:

Սիրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- [facebook-ի էջ jerak](#) [Նրազ քեղք](#)



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ



ԲՈՒ ԽՕՍԲԵՂ ԽՍ ՌՅԲԵՐՈՒՄ ԵՐԱԳ Է ՈՒ ԽՍ ԸԱԽԻՂՆԵՐՈՒՄ ԼՈՅՍ (Ս. 119-105)

ԺԳ. ՏԱՐԻ ԿԻՐԱԿԻ , 5 ՅՈՒԼԱՍ 2020 ԹԻՒ 27

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՑՈՒՄՆԵՐ
Ես. 2.5-11: Հո. 9.30-10.4:
ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՏԹԷՈՍ 13.24-30

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՏԹԷՈՍԻ 13.24-30

Յիսուս ուրիշ առակ մըն ալ խօսեցաւ անոնց եւ ըսաւ. *«Մարդ մը լաւ սերմեր ցանեց իր արտին մէջ: Գիշեր մը, երբ ամէն մարդ քնացած էր, անոր թշնամին եկաւ որո՞մ ցանեց ցորենին մէջ եւ գնաց: Երբ սերմերը աճեցան եւ սկսան հասկ կազմել, այն ատեն որո՞մն ալ երեւցաւ:*

Տանտիրոջ ծառաները եկան եւ ըսին անոր. *«Տէ՛ր, դուն միայն լաւ սերմեր չցանեցի՞ր արտիդ մէջ. ուրկէ՞ հապա որո՞մը»:*

Ան պատասխանեց. *«Ասիկա թշնամիի գործ է»:*

Ծառաները ըսին. *«Կ'ուզե՞ս որ երթանք եւ որո՞մը քաղենք»:*

«Ո՛չ,- պատասխանեց տէրը,- որովհետեւ որո՞մը քաղած ատեն կրնայ ըլլալ որ երկուքն ալ միասին արմատախիլ ընէք: Զգեցէք, որ երկուքն ալ միասին աճին մինչեւ հունձքի ժամանակ: Ես հնձուորներուն կ'ըսեմ, որ նախ որո՞մը քաղեն, խուրձեր կազմեն այրելու համար, եւ ապա քաղեն ցորենը եւ ամբարեն շտեմարաններու մէջ»:

Ահաւասիկ ճիշդ ասոր կը նմանի երկինքի արքայութիւնը:

ՕԳՏԱԳՈՐԾԷ ՄԻՐՏԴ

Եթէ «Աստուծոյ խօսքը կենդանի է» (Եբր. 4.12) հապա ինչո՞ւ չի կրնար կենդանացնել իրենց հաւատքին մէջ մեռած մարդիկը: Եթէ Աստուծոյ խօսքը կրնայ մեր հոգիները փրկել (Յկ. 1.21) հապա ինչո՞ւ կորսուած մարդիկ չեն փրկուիր, երբ կը լսեն զայն: Զշարունակենք «եթէ»-ներու շարքը: Կանգ առնենք եւ մտածենք պատասխանին մասին: Աստուծոյ խօսքը լսողներուն մէջ ո՞մանք կ'օգտագործեն իրենց ականջները եւ ո՞մանք ալ իրենց սիրտերը: Սիրելի ընթերցող, ի՞նչ կ'օգտագործես, երբ Աստուծոյ խօսքը կը քարոզուի: Աչք ու ականջ, թէ՛ սիրտ ու հոգի: Եթէ Աստուծոյ խօսքը հասնի ականջիդ, դուն չես փոխուիր, իսկ եթէ հասնի սիրտիդ՝ կը փոխուիս:

**ՄԱՐԳԱՐԵԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ԵՎԱՎԿՆԵՐ**

**ԵՍԱՅԻ ՄԱՐԳԱՐԵԻ ԳԻՐՔԸՆ
2.5-11**

Եւ արդ, ո՛վ տուն Յակոբի, եկէ՛ք Տիրոջ լոյսովը քալենք: Որովհետեւ ահա Տէրը լքեց իր ժողովուրդը, Յակոբի տունը, քանի որ անոնք փոշտացիներուն պէս իրենց երկիրը կախարդներով լեցուցին առաջուան նման, եւ օտար ամուսնութիւններով խառնածին զաւակներ ծնան:

Իրենց երկիրը ոսկիով ու արծաթով լեցուեցաւ: Թիւ չունին իրենց զանձերը: Իրենց երկիրը ձիերով լեցուեցաւ: Հաշիւ չունին իրենց ռազմակառքերը:

Երկիրը ձեռագործ գարշելի չաստուածներով լեցուեցաւ: Կ'երկրպագեն առարկաներու զորս իրենց մատներով շինեցին: Նուաստացաւ մարդ արարածը, ո՛րքան ստորնացաւ մարդը. մի՛ ներեր անոնց, Տէ՛ր:

Արդ, գացէ՛ք ժայռերու տակ ծածկուեցէ՛ք կամ ապաստանները մտէ՛ք, Տիրոջ ահարկու ներկայութենէն եւ անոր փառաւոր զօրութենէն փախչելու համար, երբ որ անիկա գայ երկիրը հարուածելու:

Որովհետեւ հիմա Տէրը իր բարձունքէն կը նայի մարդոց խեղճութեան վրայ. բայց այն օրը մարդոց ամբարտաւանութիւնը պիտի խոնարհի եւ միայն Տէրը ի՛նք պիտի բարձրանայ:

**Շարունակել
Աստուածաշունչէն**



**ՊՕՂՈՍ ԱՌԱՔԵԱԼԻ ՆԱՄԱԿԸ
ՀՈՈՍԱՅԵՑԻՆԵՐՈՒՆ
9.30- -10.4**

Հեթանոսները, որոնք Աստուծոյ արդարութեան չէին հետեւիր՝ արդարացան, որովհետեւ Քրիստոսի հաւատացին. մինչդեռ Իսրայէլի ժողովուրդը չարդարացաւ. Մովսէսի Օրէնքին միջոցաւ, որ տրուած էր մարդիկը արդարացնելու համար: Ինչո՞ւ: Որովհետեւ չհաւատաց Քրիստոսի, եւ կը կարծէր, թէ Օրէնքին գործադրութեամբը պիտի արդարանայ: Ատիկա իսկ պատճառ եղաւ, որ գորին «գայթակորութեան առիթ հանդիսացող քար»-ին վրայ, այսինքն՝ Քրիստոսի, որուն համար մարգարէութեան մէջ գրուած է. «Ահա ես Սիոնի մէջ կը դնեմ քար մը, որ գորումի առիթ պիտի ըլլայ, ժայռ մը՝ որ գայթակորութեան առիթ պիտի հանդիսանայ: Բայց անոր հաւատացողը յուսախաբ պիտի չըլլայ»:

Եղբայրներ, սրտանց կը մաղթեմ եւ կ'աղօթեմ, որ Աստուած փրկէ իսրայէլացիները, որովհետեւ կրնամ իրենց մասին վկայել, թէ Աստուծոյ հանդէպ նախանձախնդիր են: Միայն թէ այդ նախանձախնդրութիւնը հիմնուած չէ՛ Աստուծոյ նշմարիտ ծանօթութեան վրայ: Անոնք չհասկցան, թէ Աստուած ի՞նչ ձեւով կ'ուզէր արդարացնել մարդիկը. արդարանալու իրենց հասկցած ձեւին կառչեցան եւ ուստի չընդունեցին Աստուծոյ արդարութեան ուղին:

**ՍՈՒՐԲԵՐ ԵՒ ՏՕՆԵՐ
ԳԻՏ ՏՓՈՅ
Ս.ԱՍՏՈՒԱԾԱԾԻՆԻ**

Ս. Աստուածածինին նուիրուած տօներու շարքին, յետագային աւելցան նաեւ իր գործածած իրերու նուիրուած տօներ, որոնցմէ մէկն է Ս. Աստուածածինի Տուփի գիւտի տօնը:

Ս. Աստուածածինի Տուփի գիւտը տեղի ունեցած է հետեւեալ ձեւով: Երկու իշխաններ ուխտի կը գտնուին Երուսաղեմ. երբ անոնք կը հասնին Գալիլիա, այնտեղ կը տեսնեն հրեայ կնոջ մը տան առջեւ հաւաքուած բազմութիւն մը՝ բաղկացած ամէն տեսակի հիւանդներէ: Հետաքրքրուելով ներս կը մտնեն եւ կը տեսնեն տուփ մը: Հրեայ կնոջմէ կ'իմանան, որ տուփը ժամանակին կը պատկանէր Ս. Կոյսին: Իշխանները կ'երթան Երուսաղեմ, շինելու տան նոյն տուփէն օրինակ մը եւ վերադառնալով կնոջ քով, իրենց տուփը կը փոխանցեն անոր եւ Ս. Կոյսին իսկական տուփը կը տանին Պոլիս եւ կը պատմեն պատահածը Պատրիարքին: Պատրիարքը մեծ հանդիսութեամբ տուփը կը գետեղէ եկեղեցւոյ մէջ եւ յատուկ օր կը նշանակէ տօնելու համար Գիւտ Տփոյ Ս. Աստուածածնի տօնը:

Այս տօնը մեր եկեղեցւոյ տօնացոյցին մէջ անցուցած է Սիմէոն կաթողիկոս 1774-ին իր հրատարակած տօնացոյցին մէջ եւ կը տօնակատարուի Յուսիս-Յուլիս ամիսներու միջեւ:

**ՀԱՐՑՈՒՄ-ՊԱՏՃԱՍԽԱՆ
ԲԱԺԻՆ**

Ինչո՞ւ Աստուծոյ ողորմութիւնն ու զօրութիւնը խնդրելու համար հաւատացեալներուն կը թելադրուի ծոմապահութեամբ աղօթել:

Որովհետեւ ծոմապահութիւնը խոնարհութեան, հեգութեան, անձնուիրութեան եւ եսի ունայնացման արարք մըն է, գոր ենթական պէտք է գործով ցոյց տայ իր Արարիչին՝ հրաժարելով աշխարհի բոլոր ցանկութիւններէն եւ անոնց առթած հանոյքներէն ու վայելքներէն՝ արժանանալու համար Աստուծոյ սիրոյն: Ծոմ պահողը իր սրտին ամբողջական սէրը արտայայտած կ'ըլլայ Աստուծոյ հանդէպ՝ հրաժարելով իր մարմնոյն կենսական եղող հացէն ու ջուրէն: Ան իր հաւատքն ու համոզումը յայտնած կ'ըլլայ Աստուծոյ խօսքին՝ թէ «Ոչ միայն հացով կ'ապրի մարդ, հապա այն ամէն խօսքով, որ Աստուծոյ բերնէն կ'ելլէ»:

Ծոմապահութեան կամ պահքի հետ համընթաց կատարուելու են աղօթք եւ ողորմութիւն: Յոյժ թելադրելու է, որ հաւատացեալներ ծոմապահութեան կամ պահքին պատճառով ծախսերէն կրնատուած գումարները յատկացնեն աղփատներու կամ բարի նպատակներու: